

«ՊԱՏՄԱԳԻՐ ՍՏԵՓԱՆՆՈՍ ԵՐԷՅ» - Լ.  
Գ. Մինասեան, Թեհրան, 1956 թ.:

Իրանի եւ իրանահայ ժողովրդի պատմագրութեան համար թանկագին վաւերագիր է ԺԼ. Պարի վերջին շրջանի տաղանդաւոր պատմաբան Ստեփաննոս Երէցի (Տ. Ստեփաննոս քհն. Տէրտէրեանի) ձեռագիր մատենը, որ այժմ առանձին գուրդուրանքով պահուած է Նոր-Զուղայի «Ամենափրկիչ» վանքի թանգարանի ձեռագրական բաժնում:

Այդ պատմագրութիւնն առանձին արժէք ունի կրկնակի տեսակէտից: Այնտեղ կարդում ենք շատ կարեւոր փաստական տեղեկութիւններ, որոնք պատկերում են ժամանակաշրջանի իրանական արքաների - Շահ սուլթան Հուսէյնի, Շահ-Ալլահի, Նազրշահի, Ատրշահի, Քարիմ թաղաւորի, Ֆէսղալական խաների, Լոտերի, Աղաների եւ նրանց մղած ռազմական պայքարների պատմութիւնը:

Ձեռագիր մատենում ուրոյն տեղ են գրւում նաեւ իրանահայութեան, գլխաւորապէս Նոր-Զուղայի եւ Սպահանի փէրիա, Բուրլարի եւ այլ գաւառների հայ ժողովրդի զրկանքների եւ անլուր տանջանքների նկարագրական էջերը:

Ահա թէ ինչու Ստեփաննոս Երէցը պատկանում է այն պատմագիրների շարքին, որի պատմութիւնը մեծ կարեւորութիւն ունի ոչ միայն հայ ժողովրդի, այլ եւ իրանի պատմութեան ուսումնասիրութեան համար:

Ահա այս արժէքաւոր պատմաբանի կեանքին եւ գրականութեանը ներւած է երիտասարդ բանասէր Լ. Մինասեանի «Պատմագիր Ստեփաննոս Երէց» խորագրով 47 էջերից բաղկացած գրքոյի:

Դա, անկասկած, Ստեփաննոս Երէցին ներւած առաջին ուսումնասիրութիւնը է: Պատմագրի արժէքաւոր ձեռագիր մատենի մասին հայ մամուլում՝ «Նաւասարդ», «Վերածնունդ», «Արիք», «Հասարակական խորհուրդ», «Եւրոպայի» -

լոյս են տեսել բարեխիղճ վերլուծութիւններ, անհրաժեշտ տեղեկութիւններ եւ ծանօթութիւններ, որոնք հիմնական գծերով լուսաբանում են վաստակաւոր պատմաբանի կերպարն ու գրականութեան պատկերը:

Լ. Մինասեանը հիմք ունենալով հայ մամուլում Ստեփաննոս Երէցին ներւած նիւթերը եւ պատմագրի ձեռագիր մատենը, խմբագրել է մի գրքոյի, որտեղ սեղմ տողերով գծել է պատմագրի անձի, կեանքի ու գրական գործերի պատկերը: Թուրքիկ տողերով նկարագրել է նաեւ վաստակաւոր հեղինակի կերպարը, որպէս պատմագիր: Աւելի լայն տեղ են գրւում Ստեփաննոսի բանաստեղծական արեստին ներւած նիւթերը, որոնք կատարւած են մանրակրկիտ եւ բարեխիղճ կերպով: Այդ հանգամանքն էլ արժէքաւորում է Մինասեանի գրքի բովանդակութիւնը:

Սակայն պատմագրական մասի ուսումնասիրութիւնն ու վերլուծութիւնը չի խորացած եւ զուրկ է գիտական կառուցածքից: Այդ պակասը մասամբ լրացնելու համար այստեղ արձանագրենք մի քանի էական երեւոյթներ:

Անժխտելի է, որ Ստեփաննոս Երէցի պատմագրութեան հիմնական էջերը թէ՛ իրանի եւ թէ՛ իրանահայ պատմութեան ուրոյն շրջանների էական գէպքերի եւ անցքերի ուսումնասիրութեան համար ոչ միայն արժէքաւոր աղբիւրներ են, այլեւ շատ կարեւոր տեղեկութիւններ կան հին Ֆէսղալական գերիշխողների յարաբերութիւնների մասին:

Նոյնպէս Ստեփաննոս Երէցի ձեռագիր մատենում նկարւած են մի շարք գլխաւոր անձեր, որոնք պատմական գէպքերի ընթացքում վճռական դեր են կատարում: Այդ Ֆէսղալ գերիշխողների կերպարները ձեռագրում պայծառ դոյներով գծադրւած են: Այս էական հանգամանքների վրայ աւելացնենք նաեւ ձեռագիր մատենի այն կարեւոր էջերը, որոնք դարաշրջանի Ֆէսղալ գերիշխողների շահագործման եւ հա-

րստահարութիւնների դէմ են ուղղւած: Պատմագիր Ստեփաննոս Երէցը նկարագրելով իշխողների ճնշումները եւ ժողովրդի դառն ու անմխիթար վիճակը, լրելեալն բողոքում է ամէն տեսակ բռնութիւնների, ճնշումների եւ հարստահարութիւնների դէմ, երեւոյթներ, որոնք պատմագրութիւնն աւելի արժէքաւորում են եւ խորացնում ձեռագիր մատենի բովանդակութեան տպաւորութիւնը:

Ընդգծենք նաեւ Ստեփաննոս Երէցի ձեռագիր մատենի գրական եւ գեղարուեստական ուրոյն արժէքը: Նա վառ պատկերներով նկարագրել է ժամանակի ֆէսղական գերիշխողների ռազմական բախումների տարրեր էջերը, որոնց նկարագրութիւնները պատմագրութեան առանձին գրաւորութիւն են տալիս:

Անժխտելի է, որ Ստեփաննոս Երէցն իր պատմութիւնը գրել է գիտական հմտութեամբ, իսկ երբեմն պատմել է այնպիսի մանրամասնութիւններ, որոնք խորացնում են պատմական անցքերի եւ գէպքերի տրւումը: Պատմութեան մէջ աչքի պաւորութիւնը: Պատմութեան նկարագրում ընկնում նաեւ պատկերաւոր նկարագրութիւնները: Այդ էական յատկանիշներն էլ բարձրացնում են ձեռագիր մատենի գեղարուեստական արժէքը:

Մինասեանի գրքոյում շենք տեսնում Ստեփաննոս Երէցի ձեռագիր մատենի էական առանձնայատկութիւնների մասին մեր ընդգծած լուսաբանութիւնները:

Կայ մի այլ կարեւոր հանգամանք: Ստեփաննոս Երէցի պատմութիւնը մեծ ազդեցութիւն է թողել հետագայ հայ պատմաբանների վրայ: Ձեռագիր մատենի նից ամենից շատ օգտուել է «Պատմութիւն Նոր-Զուղայի» երկհատորի հեղինակ Յա-

րութիւն Տէր-Յովհաննէսեանը: Այս մասին նշել ենք դեռ 1940 թւին «Վերածնունդ» թերթում: Նոյն երեւոյթն իր գրքոյով արձանագրել է նաեւ Լ. Մինասեանը: Բայց նկատենք, որ Ստեփաննոս Երէցի արժէքաւոր ձեռագիրը միայն Տէր-Յովհաննէսեանը չի օգտագործել, այլ ուսումնասիրել եւ օգտուել են նաեւ մի շարք հայ բանասէրներ եւ պատմաբաններ, որոնց շարքում ուրոյն տեղ է գրւում պատմաբան Լէօն:

Ուշադրաւ է եւ այն, որ Ստեփաննոս Երէցի մասին իր ժամանակի գրիչներն իրենց գրած ձեռագրերի յիշատակարաններում մեծ պատկանանքով են արտայայտուել, որոնք պատմագրի կենսագրութեան համար վարեւոր աղբիւրներ են, բայց պակասում են Լ. Մինասեանի գրքոյով: Այդ վաւերագրերը հայ մամուլին կը յանձնենք մի յարմար առիթով:

Մի հանգամանք պարզ է, որ Ստեփաննոս Երէցի ձեռագիր պատմագրութիւնը մի արժէքաւոր հանրագիտարան է, ուր իրանի եւ իրանահայութեան ժամանակաշրջանի քաղաքական գէպքերն ու երեւոյթները ա՛յնքան հարազատ տեսլանքով ցուցանում են: Ապագայ սերունդները կարելով այդ արժէքաւոր պատմութիւնը, խոր յարգանքով պիտի յիշեն Ստեփաննոս Երէցի անունը: Իսկ պատմաբանի կեանքի եւ գրական գործունէութեան մասին որոշ պաշտօնական կարգաւոր համար գրասէր ընթերցողների յանձնարարում ենք Լ. Մինասեանի «Պատմագիր Ստեփաննոս Երէց» խորագրով գիրքը:

Ռաշտ  
29 Մեպո. 1956

ԱՐԱՄ ԵՐԵՄԵԱՆ